

BOSNA I HERCEGOVINA
FEDERACIJA BiH
KANTON SARAJEVO
JU „OSMAN NURI HADŽIĆ“ Sarajevo
71000 Sarajevo

Broj: 01-908-09-1/119/25

Datum: 12.06.2025. godine

Na osnovu člana 111. Zakona o odgoju i obrazovanju u osnovnoj i srednjoj školi u KS („Službene novine Kantona Sarajevo“ br. 27/24) a u vezi sa članom 70. stav (1) i stav (3) Zakona o javnim nabavkama Bosne i Hercegovine („Službene glasnik BiH“, br. 39/14, 59/22 i 50/24), nakon provedenog otvorenog postupka za dostavu ponuda, a na osnovu Preporuke Komisije za javnu nabavku, u postupku javne nabavke usluga pripremanja školskih obroka, **direktor škole** donosi

ODLUKU
o izboru najpovoljnijeg ponuđača

Član 1.

Prihvata se Preporuka Komisije za javne nabavke, br. 01-907-09-1/119/25 od 12.06.2025. godine i ugovor za javnu nabavku usluga pripremanja školskih obroka, dodjeljuje se ponuđaču **NERRO d.o.o.** za ponudenu cijenu od **237.090,00 KM** bez uključenog PDV-a, kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču **NERRO d.o.o.** po proteku žalbenog roka, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje uprava škole.

Član 4.

Ova odluka objavit će se na web-stranici škole, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-724-09-1/117/25 14.05.2025. godine.

Javna nabavka je provedena putem otvorenog postupka za dostavu ponuda. Procijenjena vrijednost javne nabavke bez PDV-a je 237.090,00 KM.

Obavijest o nabavki broj: 2929-1-2-65-3-10/25 objavljena je na Portalu javnih nabavki dana 22.05.2025. godine.

Komisija za javnu nabavku imenovana je Odlukom broj: 01-562/25 od 18.04.2025. godine.

Komisija za javnu nabavku dostavila je dana 12.06.2025. godine Zapisnik sa otvaranja ponuda, Zapisnik o ocjeni ponuda i Preporuku o izboru najpovoljnijeg ponuđača, u postupku javne nabavke usluge dostavljanja pripremljene hrane za socijalno ugrožene učenike.

U postupku je utvrđeno da je Komisija za javnu nabavku sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda **1**;
- da je blagovremeno zaprimljena **1** ponuda;
- da **nije** bilo neblagovremeno zaprimljenih ponuda;
- **da je ponuda ponuđača NERRO d.o.o. prihvatljiva.**

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, uprava škole nije našla razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim i internim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog kriterija: ekonomski najpovoljnije ponude

Naziv / ime ponuđača		Cijena sa popustom i bez uračunatog PDV-a	Rok plaćanja	Ukupno bodovi
Bodovi		90	10	100
1.	NERRO d.o.o.	237.085,80 KM	30 dana	

Ugovorni organ je nakon pregleda sve dokumentacije odlučio da prihvati preporuku Komisije za javne nabavke i ugovor o nabavci usluga pripremanja školskih obroka dodijeli ponuđaču **NERRO d.o.o.** za ponudenu cijenu od **237.085,80 KM** bez uključenog PDV-a, obzirom da je u predmetnom postupku ponudio ekonomski najpovoljniju ponudu.


Iz navedenih razloga, primjenom člana 64. stava (1) tačka a) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi **putem Ugovornog organa** najkasnije u roku od 10 (deset) dana od dana prijema ove odluke.

Dostaviti:

- Ponuđaču: NERRO d.o.o.
- a/a



Direktor škole

